



Kačuni bb; 72 264 Kačuni
Bosna i Hercegovina
t: + 387 (0)30 591 012
f: + 387 (0)30 543 251
e-mail: info@tisal.ba
www.tisal.ba

Proizvodnja sredstava za održavanje higijene
Proizvodnja kozmetike
Proizvodnja plastične ambalaže

Šifra djelatnosti: 24.510 Porezni br.: 09350021
ID: 4236023850000 PDV: 236023850000

Reg. broj subjekta upisa: MBS 51-01-1692-091; Rješenje Br. 051-0-Reg-09-000872

Royal Line
KOZMETIKA



Tisal
PROIZVODI

Ratff Eisen Bank d.d. BiH 1610550000320035
Intesa Sanpaolo banka d.d. BiH 1542602002836586
IKB Zenica ekspozitura Busovača 134040000009805

Dana: 28.09.2016.

From: „EZ“ d.o.o.

To: **VLADA FEDERACIJE BIH**
N/R g-din Fadil Novalić

MINISTARSTVO ENERGIJE, RUDARSTVA I INDUSTRIJE FBiH
N/r g-din. Nermin Džindić

MINISTARSTVO ZDRAVSTVA FBiH
N/r g-din Vjekoslav Mandić

PRIVREDNA KOMORA FEDERACIJE BIH

VANJSKOTRGOVINSKA KOMORA
N/r Bruno Bojić

UP FBiH

Predmet: DOPIS - HITNO

Poštovani,

Preduzeće „EZ“ d.o.o. bavi se proizvodnjom sredstava za čišćenje, proizvodnjom kozmetike i proizvodnjom plastične ambalaže. Trenutno imamo 102 uposlana. Jedni smo od vodećih proizvođača u ovoj branši u BiH a izvozimo u: Srbiju, Crnu Goru, Hrvatsku, Sloveniju, Dansku, Švedsku i Ganu.

Od 09.2016. nismo više u mogućnosti da plasiramo naše proizvode u RS obzirom da su na teritoriji iste važeći slijedeći Zakoni:

- Zakon o hemikalijama (Sl. glasnik Republike Srpske br 25/09),
- Zakon o biocidima (Sl. glasnik Republike Srpske br 37/09),
- Pravilnik o bezbjednosti predmeta široke potrošnje (Sl. glasnik Republike Srpske, br. 17/15),
- Pravilnik o utvrđivanju uslova za obavljanje djelatnosti proizvodnje, prometa i korištenja hemikalija (Sl. glasnik Republike Srpske br: 27/14, 28/14, 42/16),
- Pravilnik o klasifikaciji, pakovanju i obilježavanju hemikalija i određenih proizvoda (Sl. glasnik Republike Srpske br 9/16).

Dana 06.09.2019. Republička uprava za inspekcijske poslove Republike Srpske svim trgovačkim centrima u RS-u dostavlja dopis u kojem se navodi: **Proizvodi koji sadrže hemikalije ili biocide moraju biti klasifikovani, posebno upakovani i obilježeni te upisani u odgovarajuću evidenciju u Ministarstvu zdravlja i socijalne zaštite.**

U dopisu također navode da će nadležne inspekcije zabranjivati promet proizvoda koji nisu usklađeni sa važećim propisima i napominju da su propisane visoke novčane kazne za subjekte koji vrše promet istih.

u-300116
Datum: 28.09.2016.

Na ovaj način proizvođači registrovani u FBiH imaju mogućnost da robu plasiraju u bilo koju od zemalja EU (uz odgovarajuće certifikate i dr.) ali ne i na tržište RS!!! **Tako se u praksi sprečava nesmetan protok roba između FBiH i RS!**

Obzirom na neusklađenost propisa iz ove oblasti u FBiH i RS, mi proizvođači, primorani smo da ukoliko želimo prodavati svoju robu na tržište RS registrovati novu firmu (novu poslovnu jedinicu) i to iz razloga da bi bili u mogućnosti izvršiti registraciju naših proizvoda u RS te prometovati našim proizvodima.

Druga mogućnost je ovlastiti distributera sa teritorije RS (koji je ovlašten za prometovanje hemikalijama) koji ima ekskluzivno pravo prodaje čime postajemo nekonkurentni i ukidamo sve dosadašnje kanale prodaje.

Registracija proizvoda zahtjeva ispunjavanje i drugih uslova:

- Certifikovano osoblje (koje se može certifikovati samo putem ovlaštenih institucija u RS),
- Ispunjavanje minimalno-tehničkih uvjeta,
- Razne takse za promet, dozvole, registraciju, uvoz, izvještavanje prilikom uvoza i prometa,
- Obaveza fakturisanja putem pravnog lica iz RS,
- Izvođenje analiza preko ovlaštenih instituta i laboratorija isključivo iz RS

Otvaranje nove firme/PJ i sve gore navedeno iziskivati će znatne troškove tako da će naše proizvodi biti nekonkurentni u odnosu na proizvode iz RS. Ovim smo dovedeni u nepovoljan položaj u odnosu sa proizvođačima u RS.

Napominjemo da i ako uspijemo registrovati svoje proizvode u RS, nećemo više moći plasirati našu robu putem veletrgovaca iz FBiH, niti iz RS čime su direktno ugroženi naši drugi kanali prodaje i po drugi put smo dovedeni u nepovoljniji položaj u odnosu na druge.

Povlačenje naše robe sa tržišta i vrijeme potrebno za registraciju (2-3 mjeseca u najboljem slučaju) vodi ka gubljenju naših pozicija na tržištu RS.

Sve navedeno govori u prilog činjenici da ćemo značajno smanjiti vlastitu proizvodnju i biti primorani smanjiti broj zaposlenih.

U razgovoru sa ino - dobavljačima koji imaju registrovane firme u FBiH a godinama posluju u FBiH došli smo do informacija da isti imaju namjeru zatvarati firme u BiH i otvarati iste u RS obzirom da na taj način nesmetano prometuju na teritoriji cijele BiH.

Sve navedeno odnosi se na sve firme iz FBiH koje se bave proizvodnjom i prometom hemikalija, biocida, sredstava koja se koriste u medicini, agronomiji, veterini i dr...

Na osnovu navedenog molimo i zahtijevamo hitnu reakciju nadležnih organa kako bi se smanjile štete koje će nastati u privredi i to na način da se u dogovoru sa Vladom RS i Republičkom upravom za inspeksijske odnose RS postigne dogovor oko prometa proizvoda iz ove oblasti te se obustave njihove aktivnosti sve do usvajanja adekvatnih zakona i pravilnika u FBiH.

Molimo također da se ubrzaju aktivnosti u donošenju usklađenih zakonskih propisa i pravilnika koji tretiraju ovu oblast sa zakonima i pravilnicima EU, ne zanemarujući harmonizaciju istih sa zakonima i pravilnicima RS.

S poštovanjem

Direktor
Mahir Mujić

